



Broj: A-198/26
Sarajevo, 20.02.2026. godine

Na osnovu Strateškog okvira za tužilaštva u Federaciji Bosni i Hercegovini (u daljem tekstu: FBiH) za 2026-2028, te člana 6. stav 2. Pravilnika o orijentacionim mjerilima za rad tužilaca u tužilaštvima u BiH („Službeni glasnik BiH” broj: 6/22) i člana 4. i 5. Uputstva za primjenu Pravilnika o orijentacionim mjerilima za rad tužilaca u tužilaštvima u BiH broj: 13-02-2-2383-1/2022 od 06.07.2022. godine, glavni federalni tužilac Federalnog tužilaštva FBiH donio je:

PLAN RADA FEDERALNOG TUŽILAŠTVA FEDERACIJE BIH ZA 2026. GODINU

I STRATEŠKI CILJEVI RADA ZA 2026. GODINU

U vrijeme donošenja ovog Plana rada, u Federalnom tužilaštvu Federacije Bosne i Hercegovine (u daljem tekstu: FT FBiH) tužilačku funkciju vrši 21 tužilaca, uključujući i glavnog federalnog tužioca.

Odjel	Broj	Ime i prezime
Glavni federalni tužilac	1	Munib Halilović
Prva zamjenica glavnog federalnog tužioca	1	Jasna Pećanac
Zamjenik glavnog federalnog tužioca - rukovodilac Odjela opšte nadležnosti	1	Tihomir Jurko
Posebni zamjenik glavnog federalnog tužioca	1	Hrvoje Čabrajić
Odjel opšte nadležnosti	10 tužilaca	Anela Garčević Hukić Anika Kešelj Fikreta Vranjkovina Lejla Hasanbegović Suada Salkić Lejla Handžić Selimović Nihad Halilčević Dragan Stupar Saša Sarajlić Dragan Slijepčević
Posebni odjel za suzbijanje	7	Samir Selimović

korupcije, organiziranog i međukantonalnog kriminala	tužilaca	Aid Hadžismailović Jovo Karić Aida Bešlija Medina Džerahović Amra Mehmedić Nina Šahinpašić
--	----------	---

U januaru 2025. godine VSTV BiH imenovao je Posebnog zamjenika glavnog federalnog tužioca i 7 tužilaca u Posebni odjel za suzbijanje korupcije, organiziranog i međukantonalnog kriminala (u daljem tekstu: Posebni odjel) koji je počeo sa radom 30.04.2025.godine. U toku je konkurs za imenovanje još dva tužioca Posebnog odjela a, obzirom da u martu 2026.godine zamjenik glavnog tužioca - rukovodilac Odjela opšte nadležnosti odlazi u penziju, na zahtjev glavnog federalnog tužioca u januaru 2026.godine raspisan je konkurs za zamjenika glavnog federalnog tužioca i jednog federalnog tužioca.

Strateški okvir za tužilački sistem FBiH podijeljen je na četiri strateška cilja. Za sve ciljne rezultate su definisani indikatori učinka za sve tri godine Strateškog okvira, koji predstavljaju učinak koji se želi ostvariti na nivou svih tužilaštava u Federaciji BiH. Strateškim okvirom za period 2026-2028.godina definisana su četiri strateška cilja:

1. „Smanjiti broj starih predmeta“
2. „Povećati efikasnost i kvalitet rada tužilaštava“
3. „Povećati broj riješenih KTK i KTO predmeta“
4. „Povećati kvantitet i kvalitet informacija u skladu sa planom praćenja i evaluacije PR u tužilaštvima“

Konstatuje se da prva tri Strateška cilja nisu primjenjivi na Opći odjel Federalnog tužilaštva FBiH, s obzirom na njegove specifične nadležnosti, pa će ovo tužilaštvo, u skladu sa svojom funkcijom nadzora nad radom kantonalnih tužilaštava, vršiti nadzor nad ispunjenjem prethodna tri Strateška cilja od strane kantonalnih tužilaštava u FBiH, a čija kontrola se ogleda na sjednicama Proširenog kolegija glavnih tužilaca u Federaciji koje se održavaju dva puta godišnje.

PLAN PRIORITETNIH AKTIVNOSTI POSEBNOG ODJELA ZA SUZBIJANJE KORUPCIJE, ORGANIZOVANOG I MEĐUKANTONALNOG KRIMINALA FEDERALNOG TUŽILAŠTVA FEDERACIJE BIH ZA PERIOD 01.01.-31.12.2026. GODINE (STRATEŠKI OKVIR POSEBNOG ODJELA).

Kada je u pitanju Posebni odjel obzirom da je isti počeo sa radom dana 30.04.2025.godine i da isti funkcioniše u ograničenom kapacitetu s obzirom na postojanje niza procesno-organizacionih pitanja koja treba riješiti donesen je Plan prioriternih aktivnosti Posebnog odjela za suzbijanje korupcije, organizovanog i međukantonalnog kriminala Federalnog tužilaštva Federacije BiH za period 01.01.-31.12.2026. godine (Strateški okvir Posebnog odjela). Cilj ovog dokumenta je definisati prioritete aktivnosti koje treba sprovesti kako bi Posebni odjel što prije dostigao potpunu organizacijsku i operativnu spremnost za ispunjenje svog generalnog cilja koji kao takav treba biti uključen u strateški okvir tužilačkog sistema FBiH.

Metodologija izrade plana prioriternih aktivnosti

Izrada plana prioriternih aktivnosti zahtjeva jasan i strukturiran plan koji osigurava da se aktivnosti temelje na realnim problemima, dostupnim resursima i strateškim ciljevima organizacije. Odjel za unaprijeđenje efikasnosti i kvaliteta rada VSTV-a pružio je podršku Posebnom odjelu u pripremi ovog Plana. U izradi Plana korišten je sličan pristup kao u procesu strateškog planiranja.

Postojeći Strateški okvir za predmete korupcije i organizovanog kriminala

U tužilaštvima u Federaciji BiH proces strateškog planiranja je obavezan i propisan Uputstvom za primjenu Pravilnika o orijentacionim mjerilima za rad tužilaštava. Strateški okviri definišu strateške ciljeve i godišnje ciljane rezultate za period od tri godine, te se usaglašavaju konsultativno na kolegijima glavnih tužilaca za FBiH. Usvojeni srednjoročni strateški ciljevi predstavljaju okvir za donošenje godišnjih planova rada tužilaštva.

Strateški cilj koji se odnosi na predmete korupcije i organizovanog kriminala generalno je definisan u okviru strateškog okvira za Federaciju BiH i odnosi se na povećanje broja riješenih predmeta KTK i KTO. U okviru ovog cilja, Strateškim okvirom tužilaštava FBiH do 2026. godine bio je definisan i ciljani rezultat koji se odnosi na povećanje broja riješenih predmeta korupcije i organizovanog kriminala na visokom nivou (KTKV i KTOV) od 5% u odnosu na ranije promatrani trogodišnji period.

Na Proširenom kolegiju glavnih tužilaca koji je održan 09. i 10.02.2026. godine odlučeno je da se strateški rezultat koji se odnosi na predmete korupcije i organizovanog kriminala na visokom nivou u odnosu na kantonalna tužilaštva više ne prati, obzirom da se rješavanje ove vrste predmeta nalazi u najvećoj mjeri u nadležnosti Posebnog odjela.

Posebni odjel već aktivno učestvuje u radu Proširenog kolegija glavnih tužilaca Federacije BiH na izradi i upravljanju Strateškim okvirom tužilačkog sistema Federacije BiH za period 2026-2028. Međutim da bi u potpunosti preuzeo aktivnu ulogu i pristupio izradi godišnjih planova, Posebni odjel treba poduzeti niz aktivnosti kako bi ispunio organizacijski cilj da do 01.januara 2027 godine postigne potpunu organizacijsku operativnost i u skladu sa tim izdefiniše strateške ciljeve i ciljane rezultate u odnosu na krivična djela koja su u njegovoj nadležnosti, te na taj način doprinese Strateškom okviru tužilačkog sistema Federacije BiH.

Identifikacija ciljanih rezultata i aktivnosti za postizanje pune operativnosti Posebnog odjela.

CILJANI REZULTAT 1. – Proces preuzimanja predmeta iz kantonalnih tužilaštava

Trenutno stanje: Inicijalnom procjenom planiran je prenos cca 450 predmeta iz kantonalnih tužilaštava u Posebni odjel. Od početka rada Posebnog odjela tj. od 30.04.2025. godine, pa do 31.12.2025. godine Posebni odjel je zaprimio ukupno 1156 predmeta. Trenutno svi uposlenici izuzev nosilaca tužilačke funkcije rade na procesu pregleda predmeta i „srađivanja“ popisa spisa i sadržaja predmeta. Aktivnost se odvija tako da se predmeti pregledaju i provjerava njihov sadržaj (spis i dokazi) na osnovu koje tužioci odlučuju da li

predmeti ispunjavaju uslove iz člana 25. Zakona o suzbijanju korupcije i organizovanog kriminala u Federaciji BiH (u daljen tekstu: Zakon).

Za preuzimanje predmeta u skladu sa članom 25. Zakona, koristi se kombinirani kriterij prioriteta i spremnosti. U smislu prioriteta, prvo su preuzeti pritvorski predmeti, istrage (koje nisu završene), kao i predmeti koji su u fazi prijave, a spremni su za preuzimanje, kako se ne bi čekao završetak procesa popisivanja predmeta koji su u fazi istrage.

Aktivnost preuzimanja i pregleda predmeta trajat će i u 2026. godini, zbog čega je i dalje potrebno poštivati kriterije za preuzimanje predmeta u skladu sa Zakonom i zaključcima Proširenog kolegija glavnih tužilaca.

Potrebno je naglasiti da je proces preuzimanja obimnih predmeta usporen zbog nedostatka prostornih kapaciteta.

Shodno prednjem u svrhu ostvarivanja ovog ciljanog rezultata, Posebni odjel će sprovesti dole definirane aktivnosti

2026		
Cilj	Rok	Mjera
Aktivan nadzor u poštivanju zaključaka sa Proširenog kolegija glavnih tužilaca FBiH, kojim su definisani kriteriji za preuzimanje predmeta	31.12.2026.godine	Na kvartalnoj osnovi posebni zamjenik glavnog federalnog tužioca prati primjenu usvojenih kriterija

CILJANI REZULTAT 2. Plan rješavanja starih predmeta i Plan rješavanja prioriteta predmeta

Prema dostupnim podacima koji su dostavljeni od strane VSTV-a, Posebni odjel u svom radu ima preko 300 starih predmeta. Upustvom za izradu planova i to članom 8. definisana je obaveza donošenja i dostavljanja Plana za rješavanje starih predmeta, a koji Plan je i donesen. Posebni zamjenik glavnog federalnog tužioca zajedno sa glavnim federalnim tužiocem i tužiocima Posebnog odjela, izradio je Plan rješavanja prioriteta predmeta u kojem je određen broj prioriteta predmeta koje je potrebno riješiti u 2026. godini, pa će se tako u sklopu ovog strateškog cilja pratiti dva ciljana rezultata i to: Plan rješavanja starih predmeta i Plan rješavanja prioriteta predmeta Posebnog odjela Federalnog tužilaštva FBiH.

2.1. Plan rješavanja starih predmeta

2026		
Cilj	Rok	Mjera
U 2026.godini riješiti		Za praćenje provedbe Plana

sve stare predmete utvrđene u Planu rješavanja starih predmeta	31.12.2026.godine	rješavanja starih predmeta zadužen je posebni zamjenik glavnog federalnog tužioca koji će kontinuirano pratiti provedbu i ispunjenje Plana rješavanja starih predmeta, te osigurati ažurnost u ispunjenju istog
---	-------------------	---

2.2. Plan rješavanja prioritetnih predmeta

2026		
Cilj	Rok	Mjera
U 2026.godini riješiti minimalno 60% prioritetnih predmeta utvrđenih u Planu rješavanja prioritetnih predmeta	31.12.2026.godine	Za praćenje provedbe Plana rješavanja prioritetnih predmeta zadužen je posebni zamjenik glavnog federalnog tužioca koji će kontinuirano pratiti provedbu i ispunjenje Plana rješavanja prioritetnih predmeta, te osigurati ažurnost u ispunjenju istog

CILJANI REZULTAT 3: Protokoli o saradnji Posebnog odjela i agencija

Slično ostalim tužilaštvima u Federaciji BiH, od najveće je važnosti da Posebni odjel stvori slična partnerstva s ključnim strateškim akterima, uključujući sve agencije za borbu protiv korupcije u FBiH, kao potencijalne izvore informacija o korupcijskim djelima.

Posebni odjel će u toku 2026 godine nastojati potpisati protokole o saradnji sa nizom izvršnih agencija, čije djelovanje je važno za rješavanje složenih i visokostrateških izazova koje predstavljaju organizirani kriminal i korupcija. Protokoli ove vrste uspostavljaju okvir za djelovanje i saradnju. Protokol reguliše napore u otkrivanju i procesuiranju krivičnih djela, rukovanje prijavama vezanim za korupciju, podršku istragama i sprovođenje provjerama. Protokoli dalje nude nekoliko ključnih koristi:

- **Pojednostavljena i jasno definisana komunikacija:** Protokol osigurava brzu i dobro strukturiranu komunikaciju, posebno tokom istrage. Ovo smanjuje kašnjenja koja su često povezana s previše formaliziranom saradnjom.
- **Specijalizovani kontakt tužioci:** Protokol imenuje specijalizovane kontakt tužioce koji usmjeravaju aktivnosti usposlenih u izvršnim agencijama, prije nego što se slučajevi formalno otvore ili krivične prijave podnesu. Ova proaktivna pomoć poboljšava efikasnost i fokus istragama.
- **Svijest i korištenje kapaciteta izvršnih agencija:** Svi tužioci postaju upoznati s kapacitetima agencija, osiguravajući dosljednu i efikasnu upotrebu njihovih resursa
- **Pristup ključnim podacima:** Agencije posjeduju vrijedne podatke, npr. o imovini službenika, bankovnim računima i povezanim osobama, što značajno ubrzava istrage i omogućava tužiocima da djeluju na dobro utemeljenim dokazima.

- **Iskorištavanje analitičkih kapaciteta:** Analitička stručnost agencija integrirana je u istrage, pružajući ključne uvide i podržavajući tužilaštvo u izgradnji jačih slučajeva.

Dakle, protokol poboljšava efikasnost, efektivnost i sinergiju napora u borbi protiv korupcije i organizovanog kriminala, osiguravajući da se snage svake institucije potpuno koriste u potrazi za pravdom.

2026		
Cilj	Rok	Mjera
Pripremanje i usvajanje svih Protokola o saradnji Posebnog odjela i agencija neophodnih za efikasno i ažurno rješavanje složenih i kompleksnih predmeta korupcije i organizovanog kriminala	31.12.2026.godine	<ul style="list-style-type: none"> - Pripremiti i izraditi nacрте Sporazuma o saradnji do 30.06.2026. godine - Posebni zamjenik glavnog federalnog tužioce će kontinuirano održavati sastanke sa predstavnicima različitih agencija.

CILJANI REZULTAT 4: Popunjenost sistematizacije i uspostava timova za rad na predmetima.

U Posebni odjel Federalnog tužilaštva FBiH do sada je imenovano sedam od ukupno devet tužilaca koliko je predviđeno sistematizacijom. Očekuje se da će preostala dva tužioca biti imenovana tokom 2026. godine u skladu sa dinamikom koju VSTV objavljuje prilikom raspisivanja konkursa i provođenja postupaka.

U narednom periodu potrebno je raditi na iznalasku najefikasnijeg načina korištenja dostupnog kadra, te bi ova politika trebala obuhvatiti formiranje timova za rad na predmetima (tužitelj, savjetnik, istražitelj), te osigurati konzistentnost i otpornost timova radi ispunjavanja nadležnosti.

Formiranje timova u složenim i kompleksnim predmetima Posebnog odjela zahtjeva pažljivo planiranje, jasno definisane uloge i otvorenu komunikaciju.

U svrhu ostvarenja ovog ciljanog rezultata, POSKOK će sprovoditi dole definirane aktivnosti

2026		
Cilj	Rok	Mjera
Postići potpunu popunjenost sistematizacije	31.12.2026.godine	<ul style="list-style-type: none"> Redovna koordinacija s Uredom GFT u procesu popune sistematizacije tužiteljima Redovna koordinacija s Uredom GFT u procesu popune sistematizacije netužilačkim osobljem

		-Posebni zamjenik glavnog federalnog tužioca će redovno i kontinuirano pratiti i analizirati najsloženije predmete, te donositi odluku o formiranju timova u istim
--	--	--

CILJANI REZULTAT 5: Stručno usavršavanje

Međunarodne organizacije i potencijalni partneri nude raznovrsne edukacije za tužitelje i ostalo osoblje Posebnog odjela temeljem svojih tekućih programa i projekata. Međutim, da bi obuka bila svrsishodna mora da u potpunosti odražava sve potrebe institucije, a ne prioritete donatora. Zbog toga će u 2026. godini biti provedena analiza i anketa unutar Posebnog odjela kako bi se identifikovala najadekvatnija specijalistička obuka. Jedna od prioritetnih obuka bi bila obuka od strane domaćih i regionalnih eksperata, koji imaju iskustva u radu na predmetima korupcije i organizovanog kriminala. Osim navedenih tema, dodatne oblasti za usavršavanje bi uključivale: timski rad, upravljanje timom, planiranje i upravljanje rizicima, strateško planiranje, upravljanje vremenom za tužioce, upravljanje projektima i krizno komuniciranje.

U svrhu ostvarenja ovog ciljanog rezultata, Posebni odjel će sprovoditi dole definirane aktivnosti

2026		
Cilj	Rok	Mjera
Izrada i provedba godišnjeg plana stručnog usavršavanja	31.12.2026.godine	-Posebni zamjenik glavnog federalnog tužioca će pripremiti i izraditi listu potrebnih specijalističkih obuka - obaviti razgovor sa partnerima koji će pružiti podršku u usavršavanju uposlenih -obuke će se sprovoditi u skladu sa planom stručnog usavršavanja posebnog zamjenika, kao i sa planom CEST-a i ADS-a FBiH

CILJANI REZULTAT 6: Plan komuniciranja

Plan komuniciranja ima višestruku važnost:

- **Jasna komunikacija:** omogućava definisanje jasnih poruka i ciljeva koje odjel želi prenijeti javnosti, partnerima i drugim zainteresovanim stranama.
- **Povezivanje s akterima:** Pomaže u uspostavljanju i održavanju odnosa s ključnim akterima, uključujući agencije za sprovođenje zakona, nevladine organizacije i međunarodne partnere.
- **Povećava povjerenje:** Transparentna komunikacija može povećati povjerenje javnosti u rad Odjela, što je posebno važno u borbi protiv kriminala i korupcije.

- **Smanjenje dezinformacija:** Uspostavljanjem Plana komunikacije, odjel može smanjiti rizik od dezinformacija i pogrešnih interpretacija svojih aktivnosti
- **Reakcija na krizne situacije:** Planiranje unaprijed omogućava bržu i efikasniju reakciju u kriznim situacijama, čime se štiti integritet odjela i njegovih aktivnosti
- **Podrška strategiji:** Pomaže u usklađivanju komunikacijskih aktivnosti sa širim strateškim ciljevima Federalnog tužilaštva FBiH, osiguravajući da sve informacije budu usmjerene ka postizanju tih ciljeva.

Imajući u vidu da se strateški cilj 4. Strateškog okvira za tužilački sistem FBiH koji se odnosi na kvalitet i kvantitet informacija u skladu sa planom praćenja i evaluacije PR u tužilaštima direktno primjenjuje i na Federalno tužilaštvo FBiH, u čijem sastavu je i Posebni odjel, pri tome posebno vodeći računa da je stručni savjetnik Federalnog tužilaštva FBiH zadužen za odnose s javnošću ispred oba odjela Federalnog tužilaštva (Opšteg i Posebnog odjela), Posebni odjel će u 2026 godini sprovesti sljedeće aktivnosti kada je u pitanju ovaj ciljani rezultat.

2026		
Cilj	Rok	Mjera
<p>Povećati kvalitet informacija u skladu sa planom praćenja i evaluacije PR u tužilaštva</p> <p>Povećati kvantitet informacija u skladu sa planom praćenja i evaluacije PR u tužilaštva</p>	31.12.2026.godine	<p>-kontinuirana komunikacija sa stručnim savjetnikom Federalnog tužilaštva FBiH zaduženim za odnose sa javnošću</p> <p>-doprinos u izvršenje Plana strateškog i kriznog komuniciranja FT FBiH</p>

OSTALE AKTIVNOSTI

Posebni odjel FT FBiH je svojim formiranjem uselio u nove prostorije i trenutno je stanje tehničke osposobljenosti na zadovoljavajućem nivou. Uspješno je adaptirana prijemna prostorija na ulazu u prostorije Posebnog odjela što će osigurati efikasniji prijem i distribuciju pošte. Međutim, ono što je već sada problem jeste adekvatan prostor za depo i arhivu.

Budžetom za 2026. godinu za operativne troškove Posebnog odjela (vještačenja i sl.) predviđena su nedovoljna sredstva koja mogu biti vrlo ograničavajuća, obzirom da vještačenja zbog svoje kompleksnosti mogu biti vrlo skupa, pa je potrebno ponovo i kontinuirano procjenjivati stvarne troškove za istražne postupke.

U toku 2026. godine posebni zamjenik glavnog federalnog tužioca će sa glavnim federalnim tužiocem uzeti aktivno učešće u izradi prioritete liste materijalno-tehničkih sredstava za rad Posebnog odjela Federalnog tužilaštva FBiH.

U odnosu na strateške ciljeve 1-3 utvrđene Strateškim okvirom za tužilački sistem Federacije BiH, Federalno tužilaštvo FBiH će u skladu sa svojom funkcijom nadzora nad radom kantonalnih tužilaštava postupati kako slijedi

Strateški cilj 1: Vršiti nadzor nad realizacijom smanjenja broja starih predmeta od strane kantonalnih tužilaštava u smislu postizanja sljedećih ciljanih rezultata na nivou kantonalnih tužilaštava:

Strateški cilj 1: Smanjiti broj starih predmeta

Ciljani rezultat 1.1 Smanjiti broj neriješenih KT predmeta starijih od dvije godine

U 2026. godini će se broj neriješenih starih KT predmeta starijih od dvije godine smanjiti za više od 70%, dok će se broj svih neriješenih starih KT predmeta starijih od dvije godine (što uključuje predmete koji su stekli status starog predmeta tokom 2026. godine) smanjiti za 10%.

Ciljani rezultat 1.2 Smanjiti broj neriješenih KTA predmeta starijih od dvije godine

U 2026. godini će se broj neriješenih starih KTA predmeta starijih od dvije godine smanjiti za više od 70%, dok će se broj svih neriješenih starih KTA predmeta starijih od dvije godine (što uključuje predmete koji su stekli status starog predmeta tokom 2026. godine) smanjiti za 10%.

Strateški cilj 2: Vršiti nadzor nad realizacijom povećanja efikasnosti i kvaliteta rada tužilaštava u smislu postizanja sljedećih ciljanih rezultata na nivou kantonalnih tužilaštava:

Ciljani rezultat 2.1 Skratiti prosječnu dužinu rješavanja predmeta

Prosječna dužinu trajanja predmeta tokom 2026. godine će iznositi manje od 200 dana

Ciljani rezultat 2.2 Povećati omjer osuđujućih presuda u odnosu na ukupan broj pravosnažnih presuda

U predmetima općeg kriminala osigurati da učešće osuđujućih pravosnažnih presuda po licima i predmetima bude 95% u odnosu na ukupan broj presuda

U predmetima privrednog kriminala (KTPO) osigurati da učešće osuđujućih pravosnažnih presuda po -licima i predmetima bude iznad 80% u odnosu na ukupan broj presuda

U predmetima korupcije (KTK) osigurati da učešće osuđujućih pravosnažnih presuda po licima i predmetima bude iznad 80% u odnosu na ukupan broj presuda.

Ciljani rezultat 2.3 Smanjiti omjer uvažених притужби на укупан број негативних туžилачких одлука

Omjer usvojenih pritužbi ne prelazi omjer od 3% u odnosu na ukupan broj negativnih tužilačkih odluka.

Ciljani rezultat 2.4 Smanjiti broj neriješenih prijava

Za 2026. godinu, smanjiti broj neriješenih prijava za 5% u odnosu na broj zabilježen 31.12.2025. godine

Ciljani rezultat 2.5 Smanjiti broj neriješenih istraga

Za 2026. godinu, smanjiti broj neriješenih istraga za 10% u odnosu na broj zabilježen 31.12.2025. godine

Strateški cilj 3– Vršiti nadzor nad povećanjem broja riješenih KTK i KTO predmeta u kantonalnim tužilaštvima u FBiH, u smislu postizanja sljedećih ciljanih rezultata:

Ciljani rezultat 3.1 Povećati broj riješenih KTK predmeta

U 2026. godini riješiti najmanje 70% KTK predmeta zabilježenih na dan 01.01.2026.godine

Ciljani rezultat 3.2 Povećati broj riješenih KTO predmeta

U 2026. godini riješiti najmanje 70% KTO predmeta zabilježenih na dan 01.01.2026.godine

Strateški cilj 4: Povećati kvantitet i kvalitet informacija u skladu sa planom praćenja i evaluacije PR u tužilaštvima

Ciljani rezultat 4.1. Povećati kvalitet informacija u skladu sa planom praćenja i evaluacije PR u tužilaštvima

Kvalitet informacija prelazi bodovnu skladu od 20 bodova

Ciljani rezultat 4.2. Povećati kvantitet informacija u skladu sa planom praćenja i evaluacije PR u tužilaštvima

Kvantitet informacija prelazi bodovnu skladu od 25 bodova

II AKTIVNOSTI VEZANE ZA USPOSTAVU I RAD POSEBNOG ODJELA FEDERALNOG TUŽILAŠTVA FEDERACIJE BOSNE I HERCEGOVINE

Posebni Odjel počeo je sa radom 30.04.2025.godine, a prije početka rada ovog odjela provedene su brojne aktivnosti u cilju stvaranja neophodnih pretpostavki za njegov početak. U januaru 2025. godine VSTV BiH je imenovao Posebnog zamjenika glavnog federalnog tužioca i 7 tužilaca u Posebni Odjel, a trenutno je u toku konkurs za imenovanja još dva tužioca Posebnog odjela čime bi broj tužilaca u Posebnom odjelu, uključujući i posebnog zamjenika, bio 10, a kako je i utvrđeno Pravilnikom o unutrašnjem poslovanju, organizaciji i sistematizaciji radnih mjesta FT FBiH.

Tokom 2024/2025.godine FT FBiH je putem Agencije za državnu službu FBiH provelo konkurse za postavljenje državnih službenika koji će raditi u Posebnom odjelu pa je tako postavljeno 9 stručnih savjetnika-pravnika, 3 istražitelja, 3 ekonomiste, 1 psihologa i 1 jednog stručnog savjetnika-pravnika za kabinet Posebnog zamjenika dok

je putem internog konkursa u skladu sa Zakonom o namještenicima u organima države službe FBiH primljen određeni broj namještenika za potrebe ovog odjela.

Tokom 2025.godine provedeni su postupci javnih nabavki za opremanje prostorija i kancelarija Posebnog odjela a prema potrebama tog odjela.

Na kolegijima FT FBiH kao i na proširenim kolegijima glavnih tužilaca u FBiH,u više navrata raspravljano je o strukturi i broju predmeta koji su se nalazili kod kantonalnih tužilaštava a koje bi trebao preuzeti Posebni odjel kao i o planu i dinamici preuzimanja tih predmeta, te je na proširenom kolegiju glavnih tužilaca održanom dana 14. i 15.04.2025.godine zaključeno da se svi hitni predmeti trebaju preuzeti 30.04. ili eventualno 05.05.2025.godine, a da će od 30.04.2025.godine posebni zamjenik sa glavnim kantonalnim tužiocima dogovarati daljnu dinamiku preuzimanja predmeta i to prvo predmeta u fazi istrage,a zatim predmeta u fazi prijave, te su na navedenom kolegiju usvojeni i kriteriji odnosno standardi za određivanje nespornih predmeta za preuzimanje od strane Posebnog odjela.

Od početka rada 30.04.2025. godine Posebni odjel je radio sa 5 tužilaca obzirom da su tek 01.07.2025. godine odnosno 06.10.2025.godine na dužnost stupili još dva federalna tužioca.

Posebni odjel započeo je odmah sa preuzimanjem predmeta od 10 (deset) kantonalnih tužilaštava u Federaciji Bosne i Hercegovine. Ovdje je potrebno naglasiti da je broj predmeta koji je bio predviđen za preuzimanje od kantonalnih tužilaštava bio cca. 350-400, dok je sa danom 31.12.2025. godine broj predmeta koji je preuzet od kantonalnih tužilaštava iznosio ukupno 782. Tokom 2025.godine Posebni odjel je zaprimio ukupno 374 prijave direktno od strane podnosilaca, što u zbiru čini ukupno 1156 zaprimljenih predmeta u Posebnom odjelu u ovom periodu.

Nakon početka rada Posebnog odjela FT FBiH, ovo tužilaštvo je donijelo nekoliko obaveznih uputstava i drugih akata neophodnih za rad Posebnog odjela pa je tako doneseno Obavezno uputstvo o postupku davanja konsultativnog mišljenja na nacrt optužnica Posebnog odjela broj: A-886/25 od 31.10.2025.godine, Obavezno uputstvo o postupku rješavanja pritužbi na naredbe o neprovođenju istrage, naredbe o obustavi istrage Posebnog odjela, o postupku rješavanja pritužbi uloženi na odluke Ureda glavnog federalnog tužioca, o postupku rješavanja Pritužbi uloženi od strane policijskih agencija i dr., na odluke Posebnog odjela, o postupku rješavanja Pritužbi uloženi zbog dužine trajanja istražnog postupka u predmetima Posebnog odjela broj: A-1004/25 od 04.12.2025.godine, Obavezno uputstvo o postupku zavođenja krivičnih prijava podnesenih protiv glavnog federalnog tužioca, prvog zamjenika glavnog federalnog tužioca, zamjenika-rukovodioca Odjela opšte nadležnosti, posebnog zamjenika i federalnih tužilaca Federalnog tužilaštva FBiH broj: A-1019/25 od 05.12.2025.godine i Pravilnik o načinu i uslovima čuvanja materijalnih dokaza FT FBiH broj: A-885/25 od 31.10.2025.godine.

Nivo opremljenosti Posebnog odjela u pogledu materijalno-tehničkih sredstava je na zadovoljavajućem nivou, odnosno svi tužioci, stručni savjetnici imaju potrebnu tehničku opremu za rad, dok će u narednom periodu sukladno potrebama rada biti potrebno dodatno opremanje materijalno – tehničkim sredstvima potrebnim za manipuliranje i

pohranjivanje dokaza u obimnim predmetima. S tim u vezi tokom 2026.godine će se nastaviti aktivnosti na opremanju dodatnih prostorija za potrebe Posebnog odjela

III MJERE ZA REALIZACIJU CILJANIH REZULTATA UTVRĐENIH STRATEŠKIM OKVIROM

Mjere za realizaciju Strateškog cija 4. Povećati kvantitet i kvalitet informacija u skladu sa planom praćenja i evaluacije PR u tužilaštvima

Ciljani rezultat 4.1. utvrđen Strateškim okvirom	
Ciljani rezultat za 2026. godinu utvrđen Strateškim okvirom za F BiH	Povećati kvalitet informacija u skladu sa planom praćenja i evaluacije PR u tužilaštvima
Ciljani rezultat za 2026. godinu za Federalno tužilaštvo F BiH	Kvalitet informacija prelazi bodovnu skalu od 20 bodova
Predložene mjere:	<ul style="list-style-type: none"> - Nastaviti sa dinamikom rješavanja zahtjeva u smislu Zakona o slobodi pristupa informacija u F BiH - Učestvovati na specijalističkim obukama namijenjenim unapređenju odnosa sa javnošću - Implementacija Strategije za postupanje sa osobama koje dolaze u kontakt sa tužilaštvom - Ispuniti okvir za praćenje kvalitete i brzine dostupnih informacija - Primjena primjera dobre prakse - Ažuriranje web stranica najmanje jednom mjesečno - Praćenje kvaliteta i kvantiteta objava na web stranicama i odnosa sa javnošću u skladu sa VSTV-im Planom monitoringa i evaluacije odnosa sa javnošću
Ciljani rezultat 4.2. utvrđen Strateškim okvirom	
Ciljani rezultat za 2026. godinu utvrđen Strateškim okvirom za F BiH	Povećati kvantitet informacija u skladu sa planom praćenja i evaluacije PR u tužilaštvima
Ciljani rezultat za 2026. godinu za Federalno tužilaštvo F BiH	Kvantitet informacija prelazi bodovnu skalu od 25 bodova
Predložene mjere:	<ul style="list-style-type: none"> - Nastaviti sa dinamikom rješavanja zahtjeva u smislu Zakona o slobodi pristupa informacija u F BiH - Učestvovati na specijalističkim obukama

	<p>namijenjenim unapređenju odnosa sa javnošću</p> <ul style="list-style-type: none"> - Implementacija Strategije za postupanje sa osobama koje dolaze u kontakt sa tužilaštvom - Ispuniti okvir za praćenje kvalitete i brzine dostupnih informacija - Primjena primjera dobre prakse - Ažuriranje web stranica najmanje jednom mjesečno - Praćenje kvaliteta i kvantiteta objava na web stranicama i odnosa sa javnošću u skladu sa VSTV-im Planom monitoringa i evaluacije odnosa sa javnošću
--	---

Osobe zadužene za odnose s javnošću u Federalnom tužilaštvu F BiH su glavni federalni tužilac i stručni savjetnik za odnose s javnošću. U proteklom periodu kontinuirano je obavještavana javnost (mediji i drugi subjekti zainteresovani za rad Federalnog tužilaštva) o stanju kriminaliteta i predmetima u kojima ovo tužilaštvo postupa. Federalno tužilaštvo FBIH je razvilo Strategiju za odnose s javnošću i informisanje, Vodič za pristup informacijama, Index registar, Plan za krizno komuniciranje i komunikacijski plan, Poslovnik o radu Web uredništva Federalnog tužilaštva FBIH, kao i druge obrasce koje olakšavaju pristup i korištenje usluga tužilaštva od strane građana i drugih zainteresovanih javnosti. U okviru portala www.pravosudje.ba, Federalno tužilaštvo F BiH ima svoju web stranicu <http://ft-fbih.pravosudje.ba> na kojoj se redovno objavljuju važnije informacije o radu, organizaciji i aktivnostima tužilaštva.

Prema evidenciji Federalnog tužilaštva F BiH, tokom 2025. godine, ovom tužilaštvu dostavljeno je 402 zahtjeva za pristup informacijama. Jedan zahtjev je odbijen radi prepreke u smislu člana 6. Zakona o slobodi pritupa informacijama FBIH, dok su ostali blagovremeno obrađeni, te su odgovori na vrijeme dostavljeni podnosiocima. Federalno tužilaštvo FBIH redovno podnosi izvještaje o primjeni Zakona o slobodi pristupa infomacijama Instituciji Ombudsmana BiH, u skladu sa članom 20. stav 3. Zakona o slobodi pristupa informacijama u F BiH, te obavještava i Visoko sudsko i tužilačko vijeće BiH u skladu sa Planom monitoringa i evaluacije odnosa sa javnošću.

Važno je istaći i naglasiti da je uspostavom Posebnog odjela, odnosno tokom 2025. godine došlo do znatnog povećanja broja zahtjeva za pristup informacijama, što se očekuje i u 2026. godini, naročito kada se ima u vidu da je Posebni odjel FT FBIH nadležan za rješavanje najsloženijih predmeta iz oblasti organizovanog kriminaliteta i korupcije, te da su neki od tih predmeta od značaja i interesa za javnost.

S obzirom da je, generalno, povjerenje građana i javnosti u rad tužilaštava i pravosuđa na veoma niskom nivou, a imajući u vidu da je komuniciranje sa zainteresovanim stranama izuzetno važan proces u poboljšanju razumijevanja rada i djelovanja institucije Federalnog tužilaštva, kao i transparentnosti u radu, Federalno tužilaštvo FBIH će tokom

2026. godine, nastojati ojačati povjerenje javnosti u rad ove institucije i time dati svoj doprinos jačanju povjerenja javnosti u rad tužilaštava FBiH i pravosuđa u cjelini.

IV PRETPOSTAVLJENI I PLANIRANI OBIM RADA ODJELA OPŠTE NADLEŽNOSTI FEDERALNOG TUŽILAŠTVA U 2026. GODINI

Analizom Plana rada za 2025. godinu proizilazi da je riješeno manje KTŽ predmeta (za 6), budući da je priliv ovih predmeta u 2025. godini manji od očekivanog s tim da niti jedan predmet ove vrste nije ostao neriješen u 2025.godini. Riješeno je manje KTŽK predmeta u odnosu na planirani obim rada (za 10) budući da je priliv ovih predmeta u 2025. godini manji od očekivanog, a četiri predmeta je ostalo neriješeno na sudu, pa se očekuje zakazivanje i održavanje pretresa u toku 2026. godine, a u cilju donošenja presude. Što se tiče KTŽKŽ predmeta riješeno je 5 predmeta manje u odnosu na planirani obim rada jer je priliv ove vrste predmeta u izvještajnom periodu bio nešto manji u odnosu na planirani priliv s tim da niti jedan predmet ove vrste nije ostao neriješen u 2025.godini. U toku 2025. godine, u odnosu na planirani obim rada, riješeno je i manje KTA predmeta (za 47), dok je 19 KTA predmeta ostalo neriješeno i njihovo rješavanje se očekuje u 2026. godini. Riješeno je više KTPP predmeta (za 1), dok je A predmeta riješeno više (za 415), što je bilo uvjetovano povećanjem priliva predmeta u odnosu na prethodne godine.

Tužilaštvo	Vrsta predmeta	Ostalo neriješeno predmeta iz prethodnog perioda na dan 01.01.2026. godine	Očekivani priliv predmeta u 2026. godini	Broj predmeta čije je rješavanje planirano u toku 2026. godine
	I	II	III	IV
Odjel opšte nadležnosti Federalnog tužilaštva	KTŽ	0	277	277
	KTŽK	4	23	23
	KTŽKŽ	0	21	21
	KTPP	0	14	14
	KTA	19	1232	1230
	A	0	794	794
	Ukupno	23	2361	2359

Uspostavom Posebnog odjela FT FBiH, Odjel opšte nadležnosti FT FBiH postupa i u predmetima koji se vode pod oznakom KTP, a koji se odnose na pritužbe uložene na odluke (naredbe o neprovođenju istrage i naredbe o obustavi istrage) Posebnog odjela Federalnog tužilaštva FBiH, pritužbe uložene na odluke Ureda glavnog federalnog tužioca, pritužbe uložene od strane agencija za sprovođenje zakona, a koje nemaju pravo ulaganja pritužbi na odluke Posebnog odjela (naredbe o obustavi istrage) i pritužbe uložene glavnom federalnom tužiocu na osnovu člana 240. stav 4. ZKP FBiH zbog dužine trajanja istražnog postupka.

Tokom 2025. godine, odnosno od uspostave Posebnog odjela FT FBiH 30.04.2025. godine do 31.12.2025. godine, zaprimljeno je 16 takvih predmeta, od kojih je riješeno 12, dok su 4 takva predmeta ostala neriješena

Obzirom da se kod ovih predmeta (KTP) radi o predmetima koji su uvedeni tek u drugoj polovini 2025.godine i da trenutno nije moguće utvrditi podatke o prilivu i broju riješenih ovih predmeta iz ranijih godina, nije moguće brojčano iskazati očekivani priliv niti broj predmeta koji se planiraju riješiti u 2026.godini.

Međutim, obzirom da je članom 59. Obaveznog uputstva o postupku rješavanja pritužbi na naredbe o neprovođenju istrage, naredbe o obustavi istrage Posebnog odjela, o postupku rješavanja pritužbi uloženi na odluke Ureda glavnog federalnog tužioca, o postupku rješavanja Pritužbi uloženi od strane policijskih agencija i dr., na odluke Posebnog odjela, o postupku rješavanja Pritužbi uloženi zbog dužine trajanja istražnog postupka u predmetima Posebnog odjela broj: A-1004/25 od 04.12.2025.godine propisano da je rok za rješavanje pritužbi uloženi na odluke Posebnog odjela, odluke Ureda glavnog federalnog tužioca, pritužbe uložene od strane agencija za sprovođenje zakona na naredbe o obustavi istrage u krivičnim predmetima u oblasti korupcije, privrednog kriminala i organizovanog kriminala je četiri (4) mjeseca od dana zaprimanja krivičnog predmeta sa mišljenjem postupajućeg tužioca Posebnog odjela, dok je rok za rješavanje pritužbe uložene na obavijest zbog dužine trajanja istražnog postupka dva (2) mjeseca od zaprimanja pritužbe u 2026. godini se može očekivati da će se riješiti većina zaprimljenih pritužbi u ovim predmetima i da će procenat rješavanja pritužbi u ovim predmetima biti sličan procentu rješavanja drugih krivičnih predmeta ovog tužilaštva u kojima je u 2025.godini ostvaren stepen ažurnosti preko 95%.

Takođe, u 2026.godini se očekuje da će doći do povećanja broja KTA predmeta obzirom da je Obaveznim uputstvom o postupku davanja konsultativnog mišljenja na nacrt optužnica Posebnog odjela broj: A-886/25 od 31.10.2025. godine utvrđen postupak davanja konsultativnog mišljenja Odjela opšte nadležnosti na nacrt optužnica Posebnog odjela Federalnog tužilaštva FBiH u naredne dvije godine.

PRETPOSTAVLJENI I PLANIRANI OBIM RADA POSEBNOG ODJELA FEDERALNOG TUŽILAŠTVA U 2026. GODINI

Imajući u vidu da je Posebni odjel počeo sa radom tek 30.04.2025.godine, i da ne postoji podatak o prilivu i broju riješenih predmeta iz ranijih godina, zbog čega nije moguće brojčano iskazati očekivani priliv niti broj predmeta koji se planiraju riješiti u 2026.godini.

Takođe, treba napomenuti da su prema odluci Visokog sudskog i tužilačkog vijeća Bosne i Hercegovine federalni tužioci Posebnog odjela oslobođeni ostvarenja godišnje norme za 2025. godinu.

Obzirom da Posebni odjel ima veliki broj predmeta u radu (cca 1000 predmeta) od čega preko 300 starih predmeta (većina tih starih predmeta je imalo status starog predmeta u momentu kada su isti zaprimljeni u Posebni odjel) izrađen je Plan rješavanja starih predmeta i Plan rješavanja prioriternih predmeta za Posebni odjel, te su u sklopu Strateškog okvira za Posebni odjel postavljeni ciljani rezultati da se u toku 2026.godine

riješe svi stari predmeti utvrđeni u Planu rješavanja starih predmeta, kao i da se riješi minimalno 60% prioriternih predmeta utvrđenih u Planu rješavanja prioriternih predmeta.

V PREGLED OSTALIH MJERA I AKTIVNOSTI KOJI ĆE SE REALIZOVATI U 2026. GODINI

Nadzor rada kantonalnih tužilaštava

Plan rada za 2026. godinu uključuje kontrolu optužnih akata iz kantonalne stvarne nadležnosti, u odnosu na krivična djela za koja se može izreći kazna zatvora preko deset godina. Kontrola će se odnositi prvenstveno na pravilnost činjeničnog opisa i pravne kvalifikacije krivičnog djela u konkretnim predmetima.

Takođe, u skladu sa zaključkom usvojenim na sjednici Proširenog kolegija glavnih tužilaca u FBiH, koja je održana 28. i 29. januara 2019. godine, Federalno tužilaštvo će i u 2026.godini nastaviti vršiti i kontrolu optužnih akata u KTK predmetima kantonalnih tužilaštava iz nadležnosti općinskih sudova (u odnosu na krivična djela korupcije za koja se može izreći kazna zatvora do deset godina ili novčana kazna kao glavna kazna).

U 2026. godini izvršit će se redovni godišnji nadzor nad radom kantonalnih tužilaštava, koji će biti proveden u skladu sa Uputstvom i Planom nadzora rada kantonalnih tužilaštava u 2026. godini, koje će naknadno donijeti glavni federalni tužilac, a koji će činiti sastavni dio Plana rada.

VSTV BiH je na sjednici održanoj 17.01.2022. godine, donio Pravilnik o orijentacionim mjerilima za rad tužilaca u tužilaštvima u Bosni i Hercegovini, gdje je poseban akcenat stavljen na posebne situacije vrednovanja izuzetno složenih predmeta koji se odnose na predmete organizovanog kriminala, privrednog kriminala i predmeta korupcije. U skladu sa tim, pored redovne kontrole optužnica u ovoj vrsti predmeta, Federalno tužilaštvo FBiH, će davati saglasnost u skladu sa Pravilnikom za veća vrednovanja ovih predmeta uz obrazložen prijedlog Ureda kantonalnog tužioca, kao što je to bilo rađeno i u toku 2025. godine, te će se posebno voditi računa o ujednačavanju prakse vrednovanja ovih predmeta, kao i da je dokumentacija koja se dostavlja FT FBiH u skladu sa standardima koje je ovo tužilaštvo uputilo aktom: A-635/23 od 27.11.2023. godine, svim kantonalnim tužilaštvima.

Tokom 2026. godine, nadzor nad radom kantonalnih tužilaštava vršit će se i radom na predmetima po pritužbama na negativne kantonalne tužilačke odluke (naredbe da se istraga neće provoditi i naredbe o obustavi istrage), te će se u predmetima u kojima se pritužbe ocijene kao osnovane, kantonalnim tužilaštvima davati detaljne i jasne upute za postupanje s ciljem donošenja pravilnih i zakonitih tužilačkih odluka, a u predmetima u kojima se pritužbe ocijene kao neosnovane, u rješenju će se dati detaljna obrazloženja i razlozi. Ova vrsta nadzora predstavlja najčešći način vršenja nadzora nad radom kantonalnih tužilaštava, a ovaj nadzor odnosi se također i na pritužbe zbog neefikasnog postupanja kantonalnih tužilaštava u krivičnim predmetima, kada se kantonalnim tužilaštvima daju konkretne upute u pogledu prioriternog i efikasnog rješavanja tih predmeta.

Nadzornu funkciju Federalno tužilaštvo FBiH ostvarivat će i u drugostepenim krivičnim predmetima (KTŽ), kontrolom kvaliteta izjavljenih žalbi na prvostepene presude kantonalnih sudova, a koje žalbe se rješavaju u drugostepenom postupku pred Vrhovnim sudom, kao i u postupcima rješavanja sukoba nadležnosti između kantonalnih tužilaštava.

Tokom 2026. godine, Federalno tužilaštvo FBiH će nastaviti da aktivno i kontinuirano prati sudsku praksu kroz odluke Vrhovnog suda FBiH i drugih sudova, koje će dostavljati glavnim kantonalnim tužiocima putem elektronske pošte, kako bi isti bili u mogućnosti odluke proslijediti kantonalnim tužiocima svog tužilaštva. Na ovaj način, Federalno tužilaštvo FBiH doprinosi unapređenju stručnosti i ujednačenosti postupanja kantonalnih tužilaca.

Federalno tužilaštvo FBiH, će u narednom periodu redovno održavati kolegije svih federalnih tužilaca, kao i kolegije Odjela opšte nadležnosti i kolegije Posebnog odjela, po iskazanoj potrebi, a radi rješavanja svih otvorenih pitanja, zauzimanje shvatanja o dilemama koje se pojave u praksi ili su predmet upita kantonalnih tužilaštava, zauzimati stavove koji će biti osnova Glavnom tužiocu za izdavanja opštih ili pojedinačnih obaveznih uputstava i rješavati druga pitanja iz svoje nadležnosti. Glavni tužilac će biti odgovoran za kontinuirano provođenje ove mjere.

Jedan od usvojenih zaključaka na XI Stručnom savjetovanju tužilaca u Neumu (01- 03.10. 2018. godine) bio je da se periodično nastavi sa održavanjem Koordinacionih sastanaka tužilaca za maloljetnike, u cilju ostvarivanja konstruktivne saradnje između kantonalnih tužilaca, a prvenstveno radi razmjene iskustava i identifikovanja najboljih praksi u pogledu primjene alternativnih modela postupanja, kao i identifikovanja segmenata u kojima je potrebna dalja edukacija, sve u smislu odredbi Zakona o zaštiti i postupanju sa djecom i maloljetnicima u krivičnom postupku, odnosno propisanih obaveza tužilaca. Na ovaj način osigurana je mogućnost da redovni koordinacioni sastanci budu prepoznati Programom stručnog usavršavanja. Dinamika realizacije sastanaka biće usaglašena i koordinirana sa Federalnim tužilaštvom FBiH, UNICEF BiH i CESTOM FBiH, a jedan Koordinacioni sastanak ulazi u dane obavezne obuke nosilaca pravosudnih funkcija. U 2026.godini planirano je održavanje Koordinacionog sastanka tužilaca za maloljetnike.

Isto tako u 2026.godini prva zamjenica glavnog federalnog tužioca nastaviti će rad u Radnoj grupi za izradu Strateškog programa sigurnosti djece u digitalnom okruženju u F BiH 2025-2023 i Akcionog plana za borbu protiv nasilja nad djecom u digitalnom okruženju (2025–2030) i Upravnom odboru Projekta EUPA4BiH (jačanje kapaciteta policijskih ali i pravosudnih organa u BiH).

Također, rad federalnih tužilaca Federalnog tužilaštva F BiH, u radnim grupama koje se odnose na Trgovinu ljudima - (Koordinacioni tim za borbu protiv trgovine ljudima i Udarne grupa za borbu protiv trgovine ljudima u BiH), Organizovani kriminal, Pranje novca, će se i u toku 2026. godine nastaviti do ostvarivanja zacrtanih rezultata.

Pored navedenog redovnog nadzora nad radom kantonalnih tužilaštava, u 2026. godini provodit će se i kontinuirani nadzor rada kantonalnih tužilaštava, u okviru čega će se nadzirati i primjena Pravilnika o orijentacionim mjerilima za rad tužilaca u tužilaštvima u BiH i realizacija planova rada kantonalnih tužilaštava, te će se po potrebi predlagati odgovarajuće mjere za unapređenje, te ukoliko bude bilo potrebe od strane glavnog

federalnog tužioca će se donositi nova Obavezna uputstva u skladu sa potrebama regulisanja procesnih pravnih pitanja u krivičnim stvarima.

Što se tiče dinamike rješavanja predmeta ratnih zločina u cijeloj BiH, uočeno je da se ukazala objektivna nemogućnost njihovog rješavanja do kraja 2023. godine, kako je to predviđala Revidirana državna strategija za rad na predmetima ratnih zločina. Nadzorno tijelo je putem Ministarstva pravde BiH, Vijeću Ministara BiH uputilo inicijativu za pokretanje procedure izmjena i dopuna Revidirane državne strategije, a sa ciljem produženja roka za okončanje rada na predmetima ratnih zločina. Vijeće ministara BiH je na 36 sjednici održanoj dana 22.01.2024. godine donijelo Odluku o produženju roka provedbe strateškog cilja 1.2.a Revidirane državne strategije za rad na predmetima ratnih zločina, kojom odlukom se produžava rok provođenja strateškog cilja 1.2.a Revidirane državne strategije, odnosno utvrđuje da će se do kraja 2025. godine procesuirati najsloženiji i najprioritetniji predmeta ratnih zločina pred Sudom BiH i Tužilaštvom BiH, odnosno ostalih predmeta predpravosudnim organima entiteta i Brčko distrikta. Na sjednici održanoj dana 15.01.2026. godine Vijeće ministara BiH donijelo je Odluku o produženju roka provedbe strateškog cilja 1.2. Revidirane državne strategije za rad na predmetima ratnih zločina ("Službeni glasnik BiH" broj 9/26), do kraja 2028. godine.

U 2026. godini, će se nastaviti sa vršenjem nadzora i kontrole nad radom kantonalnih tužilaštava u predmetima ratnih zločina i korupcije, te će se po potrebi posjetiti rukovodstva kantonalnih tužilaštava zbog pojačanog nadzora, a u skladu sa Revidiranom državnom strategijom za rad na predmetima ratnih zločina, te Obaveznim uputstvom o prioritetnom radu na koruptivnim predmetima visokog nivoa broj: 14-258/21 od 26.08.2021. godine.

Pružanje stručne pomoći kantonalnim tužilaštvima

U toku 2026. godine federalni tužioci Odjela opšte nadležnosti će pružati stručnu pomoć kantonalnim tužilaštvima, putem davanja stručnih mišljenja i uputa u okviru kontrole optužnica, redovnog i kontinuiranog nadzora, te postupanja po pritužbama na odluke kantonalnih tužilaštava. O pruženoj stručnoj pomoći pismeno će se pravovremeno obavijestiti nadležni glavni kantonalni tužilac, kao i glavni federalni tužilac uz eventualno iniciranje davanja pojedinačnih ili opštih obaveznih uputstava.

Održavanje kolegija i aktivnosti na realizaciji strateških dokumenata

Federalno tužilaštvo će u 2026. godini redovno održavati sjednice Kolegija svih federalnih tužilaca, Kolegija Odjela opšte nadležnosti i Kolegija Posebnog odjela. Takođe tokom 2026.godine održat će se i sjednice Proširenog kolegija svih glavnih tužilaca u FBiH, najmanje četiri puta godišnje pri čemu će dvije sjednice biti posvećene pitanju strateškog planiranja, odnosno praćenju realizacije prethodnog Strateškog okvira i uspostavljanju konkretnih ciljeva djelovanja i rada tužilaštva u FBiH za budući trogodišnji izvještajni period dok će se dvije sjednice odnositi na tematski Prošireni kolegij svih glavnih tužilaca u FBiH, na kojima će se razmatrati rezultati i analizirati Izvještaji o nadzoru i kontroli rada kantonalnih tužilaštava u FBiH, kao i analiza predmeta korupcije, te će se nastojati riješiti eventualni izazovi i poteškoće sa kojima se susreću kantonalna tužilaštva u radu u ovim predmetima, a u cilju ujednačavanja tužilačke prakse.

U skladu sa objektivnim mogućnostima, izvršavati će se sve aktivnosti koje se odnose na provedbu Strategije za borbu protiv korupcije, Akcionog plana za borbu protiv korupcije, kao i Akcionog plana za zaštitu djece u digitalnom okruženju, te Strategije za borbu protiv organizovanog kriminala.

U ovoj godini će biti nastavljene aktivnosti na realizaciji mjera predviđenih Planom integriteta Federalnog tužilaštva, te se u toku 2026.godine očekuje donošenje novog Plana integriteta FT FBiH za ciklus 2026 – 2029.godine.

I u toku ove godine, glavni federalni tužilac će prisustvovati sastancima Koordinacijskog tijela glavnih tužilaca i po potrebi inicirati sastanke, a sve u skladu sa odredbama Sporazuma o uspostavi Koordinacijskog tijela glavnih tužilaca između glavnog tužioca tužilaštva BiH, glavnog federalnog tužioca, Republičkog tužilaštva RS i tužilaštva BD, glede problematike koja se odnosi na segment rješavanja sukoba nadležnosti između tužilaštava u FBiH i drugih tužilaštava u BiH, a što je propisano i Obaveznim uputstvom broj: A-133/25 od 30.05.2025. godine koje je donio glavni federalni tužilac.

Glavni federalni tužilac će i u toku 2026. godine, učestvovati u radu Strateškog foruma rukovodilaca tužilaštava i policijskih tijela.

Druge mjere i aktivnosti

Finansijsko-materijalne poslove u prethodnim godinama za Federalno tužilaštvo FBiH je obavljalo računovodstvo Vrhovnog suda FBiH. U toku 2025.godine raspisan je javni konkurs za popunu radnog mjesta Šefa odsjeka za finansijsko-materijalne poslove i provedena konkursna procedura, te se u 2026. godini očekuje postavljenje Šefa za finansijsko-materijalne poslove i početak rada Odsjeka za finansijsko-materijalne poslove Federalnog tužilaštva FBiH.

Pregled planiranih pomoćnih evidencija

U cilju ostvarenja Plana rada za 2026. godinu u Federalnom tužilaštvu FBiH će se voditi slijedeće pomoćne evidencije:

- a) evidencija o prisustvu na poslu i odsustva sa posla tužilaca i ostalih uposlenika - ovu evidenciju vodit će sekretar Federalnog tužilaštva i šef kabineta Ureda glavnog federalnog tužioca;
- b) evidenciju o prisustvu tužilaca Odjela opšte nadležnosti na sudu - ovu evidenciju vodit će Šef pisarnice Odjela opšte nadležnosti;
- c) evidenciju o prisustvu tužilaca Posebnog odjela na sudu - ovu evidenciju vodit će Šef pisarnice Posebnog odjela;
- d) baza sudske prakse koju će voditi IKT službenik
- e) evidencija o većem ili manjem vrednovanju predmeta koju vode šefovi pisarnice Odjela opšteg odjeljenje i Posebnog odjela
- f) evidencija o nastupljenim zastarama koju vodi Šef pisarnice Posebnog odjela
- g) evidencija – tabela dodatnih koja sadrži (dodatne aktivnosti NPF, evidenciju poklona, ex-parte komunikaciju i dr) koju vodi IKT službenik

Nadzor nad vođenjem ovih evidencija vršit će glavni federalni tužilac, a u njegovoj odsutnosti, zamjenici glavnog federalnog tužioca.

Nadzor nad realizacijom Plana rada za 2026. godinu

Realizaciju ovog Plana rada za 2026. godinu nadzirat će glavni federalni tužilac i zamjenici glavnog federalnog tužioca. Istekom godine za koju je donesen Plan rada, a najkasnije do 28.02.2027. godine, glavni federalni tužilac će sačiniti Izvještaj o radu Federalnog tužilaštva za 2026. godinu, u kojem će se analizirati ostvarenje Plana rada.

GLAVNI FEDERALNI TUŽILAC

Munib Halilović

